

SA's Leading Past Year

Exam Paper Portal

S T U D Y

You have Downloaded, yet Another Great  
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexamapers.co.za](http://www.saexamapers.co.za)



SA EXAM  
PAPERS



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**LWETI 2021**

**TICONDZISO TEKUMAKA**

**EMAMAKI: 80**

**Leticondziso tekumaka tinemakhasi la-24.**

## TICONDZISO TEKUMAKA

1. Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela. (**Umhlolwa akumelanga aphendvule indzabambhalo kanye nemibuto lemifisha encwadzini yinye.**)
2. ESIGABENI A, nangabe umhlolwa aphendvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. ESIGABENI B ne-C (Lulwimi Lwasekhaya), nangabe umhlolwa aphendvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyeketele lelandzelako. Nangabe umhlolwa aphendvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto ionemibuto lemifisha namunye umbuto wendzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
5. Nangabe tinombolo tetimphendvulo tinemaphutsa, maka ulandzele ticondziso.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, akunikwe limaki.
7. Umbuto wendzabambhalo: Nangabe indzabambhalo inemagama langaphasi kwalawo lamisiwe, umhlolwa akangajeziswa ngobe vele sewutijezise yena ngekwakhe. Nangabe indzabambhalo iyindze kakhu, akahlolwe ngekwelikhono lakhe bese kucociswana nalabaphetse umsebenti wekumaka. **Akusetjentiswe irubhriki yekumaka indzabambhalo** lesesichibiyelweni A ne-B.
8. Imibuto lemifisha: Nangabe umhlolwa angakafaki bokhulumile nangabe kufanele acaphune **akangajeziswa**.
9. **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukanisa emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

**SIGABA A: TINKONDLO****TINKONDLO LETIFUNDVWE EKLASINI****UMBUTO 1: UMBUTO LOYINDZABAMBHALO****WENA GCIWANENDZINI – TE Sithole**

Sakhiwo sendzabambhalo kumele sivete singeniso, umtimba nesiphetfo.

*Kubhalwa ngekubumbana kwemigca nenkondlo kubhekiswe emigceni legcanyisiwe enkondlwani.*

**SINGENISO**

Bahlolwa bachaza sihloko nobe loko lababutwe ngako, babuye basho nekutsi enkondlwani kuba khona emagama labumbana nenkondlo.

**UMTIMBA:**

Kuphawulwa kabanti ngekubumbana kwemagama lokufaka ekhatsi lawa lalandzelako:

- **Utitselile-ke msobho elutswayini.** Kubumbene nenkondlo ngobe yonkhe inkondlo iphat selene neligciwane lengculazi njengobe nalingena emtimbeni wemuntfu lotilungiselele kudla tidzambisi tekulwa nalo, litawube litifake enkingeni.
- **Usilisise njengembokodv' etjeni.** Kubumbene ngekutsi lesifo uma simngenile umuntfu simvitsita asale angabonakali kutsi abedaleke njani njengobe nawusilisia etjeni loku lokusilwako kugayeka kungasabonakali kutsi bekusesimeni lesinjani.
- **Ngilibonile litubane lakho.** Indlela leligciwane leligijima ngayo likhona kungena kubantu labanyenti ngesikhashana lesincane/ Kubumbene ngobe lesifo sivele sigadle masinyane, simo semphilo yemuntfu sintjintje ngekushesha.
- **Ngatsatsa tami ngahloma ngaphelela.** Kubumbene nenkondlo ngekutsi sonkondlo adle imitsi yakhe asebentise nelwati lalutfole kubeluleki kulwa nalesifo.
- **Ngobe wen' ulicili lelihamba ngebumnyama.** Kubumbene nenkondlo ngekutsi leligciwane lingena emtimbeni wemuntfu angaliboni futsi angaliva/ Leligciwane uma lingena emtimbeni wemuntfu alibonakali, livela uma asacilongwa bodokotela.

(Naleminye imibono lenembako yemukelekile.)

**SIPHETFO**

Bahlolwa basonga konkhe lebebabbala ngako lapha ngenhla, ngekusho kutsi lenkondlo inawo emagama labumbene nayo.

**CAPHELA:** Bahlolwa kumele bacaphune imigca legcanyisiwe enkondlwani kwesekela imibono yabo.

**BONA EMARUBHRIKI EKUMAKWA KWENDZABAMBHALO YETINKONDLO,  
SIGABA A**

[10]

## **UMBUTO 2: IMIBUTO LEMIFISHA**

### **TIBANE – NC Mthethwa**

- 2.1 Luchumanosigcino, emagama lasekugcineni kwalemigca ayefana. (2)
- 2.2 Imphindvwa, kuphindvwe umugca munye kuleyo naley nenzima. (2)
- 2.3 Abesesimeni sekudvumisa/sekuhalalisa/senjabulo/sekugcugcutela/kuncoma ngobe ukhutsata tinkhanyeti kutsi tichubeke nemsebenti wato lomuhle wekukhanyisela umhlabu wonkhe. (2)
- 2.4 Ingcikitsi yalenkondlo yimvelo, tibane sonkondlo lakhuluma ngato tiyimvelo ledalwe nguMvelinchanti kutsi tikhanyisele umhlabu wonkhe njengobe tibonakala esibhakabhakeni. (2)
- 2.5 Sonkondlo uphumelele kwetsa ligama 'indvonsa', usho inyeti ngobe ngiyo lebonakala nasekuta busuku, iphindze idvonse busuku bonkhe ikhanyise kute kuse. (2)
- [10]**

## **UMBUTO 3: IMIBUTO LEMIFISHA**

### **LOMCULO NGIYAWUTSANDZA – ME Masina**

- 3.1 Sicedzelelamcondvo. Umcondvo losemgceni longenhla uphelela emgceni lolandzelako. (2)
- 3.2 Sidvonsamoya/Isuzuri. Lusetjentiselwe kuphumula/kudvonsa umoya/kutsatsa likhefu. (2)
- 3.3 Umoya **wenjabulo**/wekudvumisa/wekuncoma/welutsandvo/wekubongeleta/wenkhumbulo ngobe sonkondlo uveta lutsandvo ngalomculo nekutsi umkhumbuta tinsuku letimnandzi takadzeni. (2)
- 3.4 Sonkondlo usho kutsi labaculi balomculo angeke sibakhohlwe, umculo wabo uyohlala udlalwa njalo, ungeke uphele. (2)
- 3.5 Sonkondlo wedlulisa umlayeto wekungayekeli kulalela umculo wakadzeni/ Umlayeto wekudvumisa loko lakutsandzako/Bantfu abatsandze umculo wakadzeni/**Bantfu babowulalela lomculo wakadzeni ngobe unemilayeto.** (Naleminye imibono lenembako yemukelekile.) (2)
- [10]**

**UMBUTO 4: IMIBUTO LEMIFISHA****NGAWE MANTI – JJ Thwala**

- 4.1 Sifaniso, sonkondlo ufanisa kutsandwa kwetjwala nekuhlonishwa kwenkhosi. (2)
- 4.2 Imphindza, kuphindvwe ligama 'manti' emgceni munye. (2)
- 4.3 Ingcikitsi yalenkondlo tidzakamiva, indzima yesibili ibumbene nengcikitsi yalenkondlo ngobe ikhuluma ngemitselela lemibi yekusetjentiswa kwetidzakamiva. (2)
- 4.4 Tetsamelilwati tingasitakala ngekutsi tiyekete kusebentisa tidzakamiva kute tiphile imphilo lencono. (Naleminye imibono lenembako yemukelekile.) (2)
- 4.5 Emabhudlo ngemanti lamanyenti lehla ngemandla, sonkondlo ulisebentise kahle ngobe usho letindzawo letikhicita nobe titsengise tjwala ngebunyenti. (2)
- [10]**

**NA****INKONDLO LENGAKAFUNDVWA EKLASINI****UMBUTO 5****MNTFWANAMI NGITSI CAPHELISISA – IS Mhlanga**

- 5.1 Luchumanosigcino lolwecako. (1)
- 5.2 Ngako-ke mntfwanami ngitsi Caphelisia. (1)
- 5.3 Imvumelwanosigcino. (1)
- 5.4 Sicedzelelamcondvo. (1)
- 5.5 Kungobe inetindzima letingalingani/Imigca isukela kule-5 kuya kule-8/ Emagama asukela kula-2 kuye kula-5 emgceni. (2)
- 5.6 Ucondze kutitjela kutsi natingafuni kulalela uma tiyalwa titawutisola ekugcineni. (2)
- 5.7 Mnkanjubovu ligama lelisetjentiswa nakubitwa umuntfu losakhulile lonelwati ngetigaba tempihilo ngobe sekengce kuto, liyamfanelo sonkondlo ngobe mdzala, unelwati ngemphilo. (2)
- [10]**

**SAMBA SESIGABA A:** **30**

**SIGABA B: INOVELI/TEMDZABU****UMBUTO 6: UMBUTO LOYINDZABAMBHALO****LIPHUME NEBOVU – BB Malangwane**

Sakhiwo sendzabambhalo kumele sivete **singeniso, umtimba nesiphetfo**.

**Tifundvo umbhali latetfulela tetsamelilwati ngebalingisi labalandzelako: Lushawulo, Tintfombi naLaMagagula.**

**SINGENISO**

Bahlolwa bachaza sihloko babuye basho nekutsi inoveli iba netifundvo.

**UMTIMBA**

Bahlolwa bachaza kabanti ngesihloko, babuye bachaze netifundvo umbhali latedlulisela tetsamelilwati ngalabalingisi.

Bahlolwa bangahle bavete letifundvo letetfulwe ngumbhali ngebalingisi

**Tifundvo ngaLushawulo**

- Kushiya bantfwana ayosebenta eJozи angasabuyi ekhaya. Ngalesikhatsi Lushawulo angasabuyi ekhaya bantfwana basala bahlupheka emuva, loko kufundzisa tetsamelilwati kutsi atinakekele bantfwana tibakhulise ngendlela lefanele.
- Nangabe umuntfu atekе sitsembu; angababandlululi bantfwana balomunye umfati utsandze balomunye njengobe Lushawulo enta, wavisa LaMagagula buhlungu ngekutsanza bantfwana baTintfombi angasabanaki baLaMagagula. Basala bahlupheka kwadala neluchekeko emndenini.
- Tetsamelilwati tifundza kutsi titsandze bantfwana bato ngalokulinganako.

**Tifundvo ngaTintfombi**

- Kuganwa kwaLushawulo nguTintfombi. Tetsamelilwati tetfulelwa sifundvo sekutsi tingabocitsa emakhaya ebantfu, njengaTintfombi lowadala kungevani emtini wakaKhumalo ngekuvuma kutekwa nguLushawulo.
- Kulandzela Lushawulo eJozи. Tetsamelilwati titfola sifundvo sekutsi tingahambi tigijimisana nemajaha letiwaganile tingatiwa nasekhaya kutsi tashonaphi njengaTintfombi.
- Kuphinga kwaTintfombi. Tetsamelilwati tetfulelwa sifundvo sekutsi tiboticoca nangabe kukhona letitsandzana nabo ngobe kute lokutawufihlakala unomphela, njengaTintfombi lowatala liphumalimile ngekuphinga. Tetsamelilwati tetfulelwa sifundvo sekutsi natiyewendza tiboshiya imikhuba yato emuva ngobe titawuhlazeka emendvweni, njengaTintfombi lowatselwa lihlazo natimshaya emkhayeni.

**Tifundvo ngaLaMagagula**

- Kuyewendza kuLushawulo. Tetsamelilwati tetfulelwa sifundvo sekutsi tibotsandza umuntfu ngaphandle kwekubuka simo semnotfo wakhe, njengaLaMagagula lowatsanza Lushawulo ahluphekile.

- Kwakha tindlu kaKhumalo nguLaMagagula. Tetsamelilwati tetfulelwa sifundvo sekutsi tibotakhela ligama lelihle ngekusebentisa tandla tato natifika emendvweni, njengaLaMagagula lowefika wantjintja simo selikhaya lakaKhumalo lebekuyindlu yinye, ngekubakhela tindlu.
- Kwakhela Tintfombi indlu nguLaMagagula. Tetsamelilwati tetfulelwa sifundvo ngekubeketela, njengaLaMagagula lowabeketela ngisho sebatsi akhele zakwabo indlu, ekugcineni kwagcina kusele yena kaKhumalo.
- Kushonelwa bantfwana kwaLaMagagula. Tetsamelilwati tetfulelwa sifundvo sekumelana nebumatima, njengaLaMagagula lowashonelwa bantfwana wahlala wangabuki kutsi bayaphela kulomuti kwate kwavela emkhayeni lapho tashaya Tintfombi khona wacoshwa wasala LaMagagula.

(Naleminye imibono lenembako yemukelekile)

### **Siphetfo**

Bahlolwa basonga konkhe lebebacoca ngako lapha ngenhla, ngekuphawula ngemphumelelo yembhali kuveta tifundvo ngebalingisi balenoveli.

**CAPHELA:** Bahlolwa kumele bacaphune tigameko letisenovelini letesekela imibono yabo.

## **BONA EMARUBHRIKI EKUMAKWA KWENDZABAMBHALO, SICHIBIYELO B**

[25]

### **UMBUTO 7: IMIBUTO LEMIFISHA**

#### **LIPHUME NEBOVU – BB Malangwane**

- 7.1 Kukhahlela tinja lebetimjabulele uma efika/Kutsetsisa LaMagagula ngekwephuta kuletsa umetjiso/Kuncapha ngalesikhatsi aphutsata umetjiso angawutfoli. (2)
- 7.2 Wena sewakuloya kudzala. (2)
- 7.3 Sigameko sekushaywa kwaTintfombi emkhayeni kutsiwe nguye lobulele bantfwana baLushawulo. (2)
- 7.4 Ekucaleni Lushawulo ukhombisa tento tekutsandza Tintfombi ute uyamteka uba sesitsenjini, esiphetfweni akasafuni nekumbona uyamcosha emtini wakhe ute umshisela tindlu takhe. (2)
- 7.5 Kuvetela tetsamelilwati kutsi bangummango losekelanako/lovanako/lobumbene. Njll. (Naleminye imibono yemukelekile.) (2)
- 7.6 Uluphawu Iwekubhubhisa/Iwentfukutselo njengobe alumeka tindlu lekumele kulale ngisho bantwanabakhe. (2)
- 7.7 Kube neligalelo lekutsi LaMagagula ahlupheke imphilo yakhe yonkhe esitsenjini. (2)

- 7.8 Ngumlandzi longusatikonkhe longumuntfu wesitsatfu ngobe wat i konkhe lokwentekako, labakucabangako nalokutakwenteka. (2)
- 7.9 Ukhona mdvonseni ngobe kufika kwabomnaka Tintfombi ngalesikhatsi tindlu tivutsa kwenta tetsamelilwati tibe nelilukuluku tifune kwati kutsi kutawentekani. (2)
- 7.10 Sincumo sekumlobolela umfati longu Tintfombi. Tintfombi ufika udala luchekoko emtini waLushawulo ngekulalala bantfwana baLushawulo abuye aloyise LaMagagula. (2)
- 7.11 Umbhali usivetele indvuna ngalesikhatsi umuti waKhumalo uvelelwe yinkinga yekuloyisana lokuvetwe emkhayeni, indvuna ifika ihlakata sicuku besibukela yase icela bakaMaseko kutsi babuye ngalelinye lilanga kutewucocisana naLushawulo. (2)
- 7.12 Yehlukile ngobe wemukela Tintfombi lochamuka nendvodza yakhe/ Upheleketela Tintfombi etinyangeni ngalesikhatsi agulelwa ngumntfwana/ Wakhela Tintfombi tindlu tekuhlala/Ucelela Tintfombi lucolo lekutsi mane Lushawulo akhiphe timphahla ngembi kwekushisa tindlu. (3)  
[25]

## **UMBUTO 8: UMBUTO LOYINDZABAMBHALO**

### **KUBAMBA LETINGELAKO – DE Nkosi**

Sakhiwo sendzabambhalo kumele sivete **singeniso, umtimba nesiphetfo.**

*Tifundvo umbhali latetfulela tetsamelilwati ngebalalingisi labalandzelako:  
Mphikeleli Zwane, Sikhulu Tsabetse naMatsiya Nyoni.*

#### **SINGENISO**

Bahlolwa bachaza sihloko babuye basho nekutsi tetsamelilwati kufanele titfole tifundvo letitsite ngebalalingisi enovelini lebhaleke kahle.

#### **UMTIMBA**

Bahlolwa bachaza bachaza ngetigameko letenta umbhali aphumelele kwetfula tifundvo ngalabalingisi labandzelako:

#### **Mphikeleli Zwane**

- Tetsamelilwati tifundza kubeketela. Mphikeleli wabeketela afuna imfundvo kumatima angenandzawo yekuhlala, wacoshwa nasesikolweni kepha wafundza wacedza.
- Tifundza kuhlonipha. Abehlonipha bantfu labadzala nalabancane, abephendvula ngenhlonipho Sikhulu Tsabetse ngalesikhatsi amfaka imibuto ngemvelaphi yakhe afuna kumcoshisa esikolweni.
- Tifundza ngekungatsatseli bantfu phasi. Matsiya abetsatselwa phasi anganakwa ngumuntfu atsatfwa njengeluhlanya Iwenzawo kepha Mphikeleli wahamba naye kutsi ayewummela ecaleni lakhe lekucoshwa esikolweni.
- Tifundza kucolela. Mphikeleli wacolela Tsabetse ngalesikhatsi atfola tincwadzi tekushona kwebatali bakhe.
- Tifundza kubonga. Mphikeleli wabonga Matsiya ngekumelaphisa ngekuhlanganisa belaphi bendzabuko ngoba wammela ngalesikhatsi acoshwa esikolweni.

#### **Sikhulu Tsabetse**

- Tetsamelilwati tifundza kutsi tingasebentisa tikhundla kucindzetela bantfu atigcini kahle emphilweni. Tsabetse wacambela Mphikeleli emanga watsi ulikhomanisi kute acoshwe esikolweni, wagcina angakakutfoli labekufisile ngaMagumeni kutsi ancobe lukhetfo.
- Tifundza kutsi kubambelana emagcubu kukwakhela titsa. Tsabetse abenemagcubu ngebatali baMphikeleli wagcina asitsa saMphikeleli.
- Tifundza kutsi kutikhukhumeta kutawenta ugcine ungasilutfo emmangweni Tsabetse watikhukhumeta ngalesikhatsi Matsiya atewumela Mphikeleil ecaleni wambita ngeluhlanya, Matsiya ugcine afundzile, Tsabetse angasilutfo.
- Tifundza kocolisa. Tsabetse wacolisa ngalesikhatsi Mphikeleli ayewufuna Iwati ngetekuphatsa, yena wabuye wamnika tincwadzi tekushona kwebatali bakhe.
- Tifundza kukhuluma emaciniso. Tsabetse ekugcineni wakhuluma emaciniso kutsi yena abesebentela umbuso wemaBhunu ngesikhatsi sembalandlati ngekwetsembeka.

**Matsiya Nyoni**

- Tetsamelilwati tifundza kutetsema. Matsiya wakhona kuyewumela Mphikeleli ngalesikhatsi acoshwa esikolweni.
- Tetsamelilwati tifundza kusitana. Wakhona kusita Mphikeleli kutsi atfole indzawo yekuhlala.
- Kungalahli litsema. Akazange alahle litsema wachubeka wafundza emvakwekutsi Mphikeleli amelaphise.
- Tetsamelilwati tifundza kutsi lwati umuntfu lanalo angeke umemuke lona. Matsiya unelwati lolumayelana nemagazethi emfundvo, lokuyintfo bebangayicabangi kutsi ingaphuma emntfwini lophitsene emcondvweni.
- Tetsamelilwati tifundza kutsi tibosemukela simo letikuso tingatitsatseli phasi. Matsiya bekatiwa njengemuntfu lonemcondvo lophitsene kodvwa abengakunaki loko abesita nalabaphilile kahle emcondvweni.  
(Naleminye imibono lenembako yemukelekile.)

**SIPHETFO**

Bahlolwa basonga konkhe lebebacoca ngako lapha ngenhla, ngekuphawula ngemphumelelo yembhali kuveta tifundvo ngebalingisi balenovel.

**CAPHELA:** Bahlolwa kumele bacaphune tigameko letisenovelini letesekela imibono yabo.

**BONA EMARUBHRIKI EKUMAKWA KWENDZABAMHALO, SIGABA B na C:**

[25]

**UMBUTO 9: IMIBUTO LEMIFISHA*****KUBAMBA LETINGELAKO – DE Nkosi***

- 9.1 Utsi bantfwana abangancengwa kutsi bafundze/ Bantfu abangatihluphi ngekungafuni kufundza kwebantfwana/ Labadzala bafundzelani ngobe sebakhulile. (2)
- 9.2 Imfundvo yebantfwana ikhulunywa nguwonkhewonkhe. (2)
- 9.3 Sigameko sekucoshwa kwakhe esikolweni kutsiwe semdzala, ngiso lesimente kutsi abe nenshisakalo yekutsi wonkhe umuntfu afundze. (2)
- 9.4 Mphikeleli ekucaleni abelwela kucedzela imfundvo yakhe kepha angamukelwa, bese kutsi esiphetfweni ufundzile ute uba ngusosifundzave waseMbalenhle. (2)
- 9.5 Kuveta lubanjiswano nekuvana lokwabakhona eMbalenhle. (2)
- 9.6 Imfundvo iluphawu lwemphumelelo nentfutfuko. (2)
- 9.7 Kube neligalelo lekutsi Mphikeleli abe nelwati lalucotjelelwe nguTsabetse lolumayelana netekuphatsa ummango. (2)
- 9.8 Ngumlandzi longusatikonkhe longumuntfu wesitsatfu ngobe wat i konkhe lokwentekako, labakucabangako balingisi nalokutakwenteka. (2)
- 9.9 Sinaye mdvonseni ngobe tetsamelilwati tifuna kwati kutsi Matsiya njengobe aphitsene engcondwensi utawuphumelela yini kumela Mphikeleli ecaleni lakhe lekucoshwa esikolweni. (2)
- 9.10 Sibe neligalelo lekutsi Mphikeleli agcine afundzile angumuntfu lobalulekile emmangweni. (2)
- 9.11 Umbhali uphumelele kuveta Magumeni njengesicaba ngobe akagucuki kusukela ekucaleni kwendzaba ulwa naMphikeleli kute kuyofika esiphetfweni. (2)
- 9.12 Mphikeleli ukholwela elubanjiswaneni uma atsatsa tincumo njenekwaba imisebenti yemakhansela ngetigodzi/Unikana inhlonipho nakumuntfu longenasitfunti njengaMatsiya/Uyatehlisa ngisho nakulaba labamtondzako njengakuSikhulu Tsabetse lafuna Iwati Iwekuphatsa kuye/Uyawukhatsalela ummango ngekufuna kuwubona utfutfukile njalo ngekucamba luhlelo Iwe-OPERATION HAMBA UYEWUFUNDZA. (3)

[25]

## **UMBUTO 10: UMBUTO LOYINDZABAMBHALO**

### **TIBOPHO TELUTSANDVO – JJ Thwala**

Sakhiwo sendzabambhalo kumele sivete **singeniso, umtimba nesiphetfo.**

*Tifundvo umbhali latetfulela tetsamelilwati ngebalcingisi labalandzelako:  
Mlungisi, Lomusa naMadvodza.*

#### **SINGENISO**

Bahlolwa bachaza sihloko babuye basho nekutsi tetsamelilwati kufanele titfole tifundvo letitsite ngebalcingisi enovelini lebhaleke kahle.

#### **UMTIMBA**

Bahlolwa bachaza ngetigameko letenta umbhali aphumelele kwetfula tifundvo ngalabalingisi labandzelako:

Tetsamelilwati tifundza loku lokulandzelako:

#### **Mlungisi**

- Kubalulekile kulalela bantfu nabakwekhuta. Mlungisi abengalaleli batali nebangani bakhe nabamekhuta watitfola asenkingeni.
- Kufanele bantfu batsatse tecwayiso tebantfu letakhako. Mlungisi bekangatsatsi tecwayiso tebangani bakhe netebatali bakhe, lokugcine kumfaka ehlazweni ngelusuku lwakhe lwemshado.
- Bantfu kumele batinike sikhatsi ngembikwekutsatsa tincumo. Mlungisi wenele kuganwa nguLomusa wagijimela kumteka angati ngemvelaphi yakhe nangesimilo sakhe.
- Kubalulekile kutsi bantfu bahloniphe imihambo yemmango. Mlungisi ukhombisa kungahloniphi indlela ummango lochuba ngawo emasiko nemihambo, utfolakala asoma umfati logcoke inzilo, ngemva kwaloko walandzelwa ngemashwa.
- Kubalulekile kungemukeli tintfo wente shengatsi akukenteki lutfu. Mlungisi utfola Lomusa esicedzakoma kunguye yedvwa umfati lonatsa tjwala kodvwa akehlukani naye.

#### **Lomusa**

- Bugebengu abukhokheli. Lomusa ugcina aboshiwe nebangani bakhe ngenca yebugebengu.
- Emanga akaphumelelisani. Agcine avele ebaleni. Emanga aLomusa ngebatali bakhe agcina aphumele ebaleni ngobe batali baLomusa bagcine bavela emshadweni.
- Bantfu abacikelele kutsi bangafaki labanye bantfu enkingeni ngetento tabo. Lomusa akananzaba nemphilo yaMlungisi ngobe abengalahlekelwa yimphilo yakhe ngenca yaMacaleni.
- Kubalulekile kutsi bantfu bagcine emasiko. Lomusa utsandzana naMlungisi abe agcoke inzilo lokukhomba kutsi akalandzeli inchubo lechutjwa emmangweni.
- Bantfu bafundza kutiphatsa kahle kute bangatfoli sifo sengculazi, bangenti njengaLomusa lotfolakala asanaleligciwane lesandvulelangculazi ngenca yekungatiphatsi kahle.

**Madvodza**

- Bantfu babotinaka tecwayiso tebangani babo. Madvodza abemecwayisa umngani wakhe ngenkinga lalengela kuyo ngaLomusa kepha anganaki.
- Bangani kumele besekelane ebuhleni nasebubini. Madvodza abemesekela Mlungisi ngato tonkhe tikhatsi, nangalesikhatsi ahlazeka emshadweni bekakhona.
- Kuyadzingeka kutsi bantfu banake lokwenteka emimangweni labaphila kuyo. Madvodza kwamsita ngobe abenelwati ngaLomusa ngiko akhona kwecwayisa Mlungisi ngaye.
- Kusita umngani uma asenkingeni kubalulekile. Madvodza usite Mlungisi ngekuba ngulomunye webakhongi baMlungisi nanobe angahambisani nalesento sakhe.
- Bantfu abangangeni shi etindzabeni tebantu labatsandzanako. Madvodza abembonisa kuphela Mlungisi acikelela kutsi akabacabanisi.

**SIPHETFO**

Bahlolwa basonga konkhe lebebabhala ngako lapha ngenhla, ngekuphawula ngemphumelelo yembhali kuveta tifundvo ngebalingisi balenoveli.

(Naleminye imibono lenembako yemukelekile.)

**CAPHELA:** Bahlolwa kumele bacaphune tigameko letisenovelini letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B:**

[25]

**UMBUTO 11: IMIBUTO LEMIFISHA*****TIBOPHO TELUTSANDVO – JJ Thwala***

- 11.1 Kunyamalala kwaSitsembile/Kungati kwaMlungisi ngekunyamalala kwaSitsembile/Kutsatfwa kwaSitsembile ngemadvodza langatiwa. (2)
- 11.2 Weva shengatsi usanganelwa yinhloko Mlungisi waphelelwa ngemagama/Wadideka Mlungisi wehluleka nekukhuluma njll.  
(Naleminye imibono lenembako yemukelekile) (2)
- 11.3 Sigameko sekufika kwaLomusa atewulandza Mlungisi embi kwaSitsembile ahambe naye ngenkhani endlini yakhe. (2)
- 11.4 Esingenisweni saletheksthi lengenhla Sitsembile unyamalele kepha esiphetfweni utfolakele sewuneluswane IwaMlungisi. (2)
- 11.5 Lokutfunjwa kwaSitsembile kuvetela tetsamelilwati kutsi ngummango/**longakaphephī/lonebugebengu/longevani/longenalubumbano.**  
(Naleminye imibono lenembako yemukelekile.) (2)
- 11.6 Letembafo letimnyama letigcokwa nguLomusa tiluphawu Iwekutsi ushonelwe yindvodza, kumele ahloniphe kute nemmango umhloniphe. (2)
- 11.7 Kutiphatsa kabi kwaLomusa enovelini yonkhe kodvwa Mlungisi abe achubeka nekumtsandza anjalo kuyiveta ebaleni ingcikitsi yelutsandvo. (2)
- 11.8 Umbhali usebentise umlandzi longusatikonkhe, longumuntfu wesitsatfu ngobe uba sendzaweni labakuyo, wati konkhe lobakwentako nalabakucabangako balingisi. (2)
- 11.9 (Imibono itawehluka.)  
Labavumako batawesekela ngekutsi:  
  
Kuba khona kwaMacaleni enovelini kwakha mdvonseni ngobe tetsamelilwati tifisa kwati kutsi ngubani lotawugcina ashade naLomusa emkhatsini waMacaleni naMlungisi/kwati kutsi Mlungisi utawuchubeka yini nekutsandzana naLomusa Macaleni asaphila.  
Labangavumelani nalombono batawesekela ngalokusencwadzini. (2)
- 11.10 Lesincumo samfaka elubishini ngekutsi agcine angakateki njengobe abesolo angakayishisi lemphepho yemadloti/Lomusa ugcina ngekuboshwa nakufanele bashade/Walahlekelwa yimali lenyenti ngekulobola Lomusa lowagcina angakefiki emshadweni/Lesincumo senta Mlungisi acabange kutsi unina wakhe sewuyavuma kutsi atsandzane naLomusa futsi nemadloti ayamemukela ngiko achubeke nekutsandzana naye kantsi sewutawutifola ahlazeka ngelusuku lwemshado.  
(Naleminye imibono lenembako yemukelekile) (2)

- 11.11 Umbhali akaphumeleli kuveta Lomusa njengemlingisi losicaba ngobe uyagucugucuka ahambisane netimo letitsite kulenoveli. (2)
- 11.12 Mlungisi akatsatsi tinyatselo tekusombulula tinkinga letimvelela elutsandweni lwakhe naLomusa nanobe kunebufakazi lobuphatsekako, yena uyabuphikisa/**Akasebentisi iudlame kusombulula tinkinga takhe telutsandvo/ Akatitsatsi teluleko talabasatiko similo lesibi saLomusa/ Uyesaba kuphikisana naLomusa nakukhona langakuboni kahle/**  
(Naleminye imibono lenembako yemukelekile) (3)  
[25]

## **UMBUTO 12: UMBUTO LOYINDZABAMBHALO**

### **SILULU SEMASWATI – NC Mthethwa**

Sakhiwo sendzabambhalo kumele sivete **singeniso, umtimba nesiphetfo.**

**Tifundvo umbhali latetfulela tetsamelilwati ngebalingisi labalandzelako: Make waChakijane, Chakijane. naNgwane III.**

#### **SINGENISO**

Bahlolwa bachaza sihloko babuye basho nekutsi tetsamelilwati kufanele titfole tifundvo letitsite ngebalingisi enganekwaneni nasetibongweni.

#### **UMTIMBA**

Bahlolwa bachaza ngetigameko letenta umbhali aphumelele kwetfula tifundvo ngalabalingisi labandzelako:

#### **Make waChakijane**

- Kuhlonipha intfo lengasiyo yato. Make waChakijane watsatsa lubendze IwaChakijane angakanikwa.
- Kuhlonipha lomdzala nalomncane. Kudliwa kwelubendze IwaChakijane ngumake wakhe kukhombisa kungahloniphi Chakijane ngobe amncane.
- Kucaphela emindenini yato kungabi nguletitawudala tinkinga. Logwaja watfukutsela ngekudliwa kwelubendze lwakhe.
- Kocolisa nangabe tente emaphutsa. Make waChakijane akazange acolise.
- Kungenti tintfo kahle ungumtali ungalahlekelwa ngulonako. Chakijane wahamba atfukutsele ekhaya.

#### **Chakijane**

- Kucolela kute tingafani naChakijane longazange amcolele make wakhe ngekudla lubendze lwakhe.
- Kufundza kutsi nangabe umuntfu akwentele lokubi yamukela. Chakijane abengemukeli kodvwa abebabhadalisa labantfu labebenta tiphosiso kuye.
- Kuba nebunfu. Chakijane akazange akhombise buntfu ngekupheka logogo aphakele bantfwana.
- Kubi kungeneliseki. Chakijane wagcina asenkingeni ngenca yekungeneliseki kwakhe.
- Kusita lapho kudzingeka khona lusito kodvwa uphindze ubeketele nangabe kwenteka liphutsa. Chakijane abenawo umoya wekusita bantfu kodvwa bekangakhoni kubeketela nasebente emaphutsa.

#### **Tibongo taNgwane III**

- Kungabi nelulaka ikakhulukati nawusesikhundleni. Inkosi Ngwane III abenelulaka asatjwa lobekungasiyo intfo lenhle ngobe bekahola sive.
- Kutsi nasisetikhundleni singahlukumeti bantfu. Inkosi Ngwane III abehlukumeta tidzandzane.
- Nangabe uhola bantfu, kumela ubahloniphe. Inkosi Ngwane III bekangahloniphi muntfu ngobe yena aphetse.
- Kuvula tandla nangabe tisetikhundleni letitsite. Inkosi Ngwane III beyingavuli tandla ilalele tinkinga tebantfu lebaholako.

Bahlolwa basonga konkhe lebebabhala ngako lapha ngenhla, ngekuphawula ngemphumelelo yembhali kuveta tifundvo ngeNkhosi Ngwane III.

**CAPHELA:** Bahlolwa kumele bacaphune tigameko letisenganekwaneni letesekela imibono yabo.

**BONA EMARUBHRIKI EKUMAKWA KWENDZABAMHALO, SICHIBIYELO B:** [25]

### **UMBUTO 13: IMIBUTO LEMIFISHA**

#### **SILULU SEMASWATI – NC Mthethwa**

#### **INTSANDZANE NENHLANTI YEMLINGO**

- 13.1 Kuvuswa ekuseni ngembulukusa ayewulusa/ Kusetjentiswa kungaphumuli/ Kunganikwa kudla. (2)
  - 13.2 Ekucaleni lentfombatana iyahlupheka kepha esiphetfweni iphila kamnandzi iba yindlovukazi. (2)
  - 13.3 Kutenta logulako kantsi ufunu kubulawe lenhlanti ngobe isita lentsandzane. (2)
  - 13.4 Kuvisite ngekutsi ingahlupheki imphilo yayo yonkhe kepha igcine seyiphila kahle. (2)
  - 13.5 Bafundza kuphatsa bantfwana ngalokulinganako/Bafundza kutsi tijeziso tetono lebatentako tedlulela nasebantfwaneni babo. (2)
  - 13.6 Tibe neligalelo lekutsi lentfombatana ihangane nenhlanti leyitayipha kudla njengobe abanganikwa kudla. (2)
  - 13.7 Lenkhulumo isho kutsi umntfwana lonebatali uphila kahle. Lentfombatane yahlupheka ngenca yekuswela batali. (3)
- [15]

### **MADIBA**

- 13.8 Luchumanosicalo/Kuphindvwe ligama lelifanako ekucaleni/ Luchumanomkhatsini kuphindvwe ligama lelifanako emkhatsini. (2)
  - 13.9 Madiba ufaniswa nenkhosi kungako kufa kwakhe kubitwa ngekukhotsama. (2)
  - 13.10 Inkulumiswano ngaphandle kwekulwa nobe kucitseka kwengati/Kuhlala phasi kukhulunyiswane. (2)
  - 13.11 INingizimu Afrika yakhululeka, kwaphela lubandlululo bantfu baphila kahle, kwahlangana tonkhe tinhlanga.  
(Naleminye imibono lenembako yemukelekile.) (2)
  - 13.12 Lomugca usho kutsi Madiba bekangasilo ligwala, bekanesibindzi futsi atetsemba. (2)
- [10]

**SAMBA SESIGABA B:** 25

**SIGABA C: UMDLALO****UMBUTO 14: UMBUTO LOYINDZABAMBHALO****KUTAWUBA NJALO – SZ Simelane**

Sakhiwo sendzabambhalo kumele sivete **singeniso, umtimba nesiphetfo**.

**Tigameko letiveta sakhiwo kulomdlalo ngaphasi kwaletihlokwana: setfulo, sicakacaka neluvutfondzaba.**

**Singeniso**

Bahlolwa bachaza sihloko babuye basho nekutsi umdlalo lobhaleke kahle uba nesefulo, sicakacaka neluvutfondzaba.

**Umtimba**

Bahlolwa bavete sakhiwo semdlalo ngaletihlokwana labanikwe tona.

**Setfulo**

- Sivete ummeleli/Lichawe lemdlalo lokunguNcobile Magagula.
- Inkinga labukene nayo ummeleli yekukhetselwa batali bakhe umuntfu lekumele atsandzane naye.
- Imbangi yemmeleli longuLaHleta.
- Indzawo yakaMatsamo lapho wenteka khona umdlalo.
- Singeniso lesibhaleke kahle kumele sihehe.

**Sicakacaka**

Emaphuzu lalindzelekile

- Kufa kwaGedlembane afela ejele, kusalindvwe kutsetfwa kwelicala laboshelwe lona.
- Kulandvwa kwetimbali ethuneni laGedlembane lokwasusa umsindvo lomkhulu.
- Kushiswa kwesitfombe saGedlembane.
- Kucanjelwa emanga kwaNcobile nguHleta kutsiwe ugane Mphotfo.
- Kukhulelwa nekubaleka kwaNcobile ayohlala naMphotfo.

**Luvutfondzaba**

Emaphuzu lalindzelekile

- Kwelashwa kwaLaHleta nguMphotfo ngalesikhatsi asesibhedlela abuye ambite ngemkhwenyana wakhe.
  - Kuhlangana kwaMphotfo naNcobile ehhotala ngenhoso yekucolelana.
  - Lusuku lwemshado waMphotfo naNcobile.
  - Kuvela kwemaciniso ngekushona kwaMagagula, Gedlembane naLaMkhanazi umkaHleta.
  - Kuboshwa kwaHleta ngelusuku lwemshado waNcobile naMphotfo.
- (Naleminye imibono lenembako yemukelekile)

**Siphetfo**

Bahlolwa basonga konkhe labebacoca ngako lapha ngenhla, ngekuphawula kutsi umbhali walomdlalo uphumelele kuveta sakhiwo salomdlalo.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B:**

[25]

**UMBUTO 15: IMIBUTO LEMIFISHA****KUTAWUBA NJALO – SZ Simelane**

- 15.1 'Ncobile umntfwanemnakenu njengobe senguwe phela babe wakhe kepha nani, uvale tindlebe ngemtfwebeba/Phela sengimdzala nangingaka yemake nginemalungelo ami, kepha lomfana yena angikamgani.'/**Kudzala umeya lodzadzewetfu ngobe umbona kutsi akanamandla.** (2)
- 15.2 Badlali bambalwa/Indzawo igcogcekile/Kunenkhulumiswano nemnyakato. (Kubili kwaloku.) (2)
- 15.3 Ludvweshu Iwangaphandle, boHleta naNcobile ababoni ngeliso linye ngebudlelwane lobukhona emkhatsini waNcobile naMphotfo. (2)
- 15.4 Lelibito alimfaneli Celani, konkhe lakwentako akaceli ukwenta ngeludlame ngobe usigebengu, ufunu kuchubeka atsandzane naNcobile ngenkhani. (Naleminye imibono lenembako yemukelekile.) (2)
- 15.5 Sicakacula ngobe kungenelela LaMagagula ngenhoso yekusombulula inkinga lebukene naNcobile/**Iludvweshu ngobe Ncobile nebatali bakhe ababoni ngeliso linye.** (Naleminye imibono lenembako yemukelekile.) (2)
- 15.6 Umoya wekutfukutsela ngobe Ncobile usebentisa emagama endzelelo emntfwini lomdzala lokwenta Hleta atfukutsele/**Umoya wekudvumala ngobe batali bakhe abakhola kutsi akamgani lomfana.** (2)
- 15.7 Lenkhulomo ifanela Ncobile ngobe bafuna kumshayela sento langakasenti sekugana Mphotfo/Ingafanela Gedlembane ngobe uboshelwe kutsi ugagadlele wabulala LaMkhwanazi abe angakakwenti loko. (2)
- 15.8 Usenamisi, **uphela ngenjabulo** ngobe lichawe lemmdlalo lelinguNcobile liyancoba esiphetfweni semdlalo/Ugcina ngekushada lijaha latikhetsese lona/ **Ugcina ngekubuyisana neyise wemntfwanakhe.** (2)
- 15.9 LaMagagula udlala indzima yekuba ngumlamuli. Utfolakala abitwa njalo nakunetinkinga kaMagagula, yena urike asombulule, Sibonelo, Uhlalisa Ncobile kakhe ngalesikhatsi acoshwe nguMphotfo atetfwele. (2)
- 15.10 Bayitfutfukisa ngekucelela Mphotfo lucolo kuNcobile babuye bente taba tekuhlanganisa Mphotfo naNcobile bagcine bashada lokuyingcikitsi yelutsandvo. (Naleminye imibono lenembako yemukelekile) (2)

- 15.11 (Imibono itawehluka ifake ekhatsi loku lokulandzelako:) Labavelana naye batawesekela ngekutsi: Lelilanga belibalulekile emndenini wakaMagagula, naHleta abefanele kuwubona lomshado njengamalume waNcobile lobuye wasita ekumkhuliseni nakashonelwa nguyise. Labatawutsi abevelani naye batawesekela ngekutsi wabulala umkakhe LaMkhwanazi naGedlembane/Abetondza Mphotfo ngobe ahluphekile. (Naleminye imibono lenembako yemukelekile.) (2)
- 15.12 Bagcugcuteleka ngetento tekubeketela nekubambelela etifisweni labatihlosile emphilweni/ Mphotfo ubeketelela simo senhlupheko angenabatali, uyafundza nanobe akhubatekile ute uba ngudokotela njengobe abefisile./Mphotfo ubeketelela lutsandvo lwabo naNcobile lobelumenta abe netitsa njengalesi lesinguCelani. (Naleminye imibono lenembako yemukelekile) (3)  
[25]

## **UMBUTO 16: UMBUTO LOYINDZABAMBHALO**

### **LAMI LISIPHETFO – JJ Thwala**

Sakhiwo sendzabambhalo kumele sivete **singeniso, umtimba nesiphetfo**.

**Tigameko letiveta sakhiwo kulomdlalo ngaphasi kwaletihlokwana: setfulo, sicakacaka neluvutfondzaba.**

#### **Singeniso**

Bahlolwa bachaza sihloko babuye basho nekutsi umdlalo lobhaleke kahle uba naso setfulo, sicakacaka neluvutfondzaba.

#### **Umtimba**

Bahlolwa bavete sakhiwo semdlalo ngaletihlokwana labanikwe tona.

#### **Setfulo**

- Ummeleli/Lichawe lemmdlalo lokuyinkhos Somhlolo.
- Inkinga labukene nayo ummeleli yekutsi emabutfo awaphumi ayolwa timphi, inkhos ayiwavivisi ahla sele letinye tive. Ayatihlalela nje atingele tinyamatane.
- Imbangi yemmeleli lokunguMahubhulu.
- Indzawo yakaLobamba lapho wenteka khona umdlalo.
- Singeniso lesibhaleke kahle kumele sihehe.

#### **Sicakacaka**

Emaphuzu lalindzelekile

- Mahubhulu ufaka Sigogodvolo umoya lomubi wekutsi bavukele umbuso.
- Bakhulum kabi ngenkhosi.
- Kungakhulum latfunywe kona Mahubhulu ngalesikhatsi atfunywe kutsi ayewucela sihlobo lesihle.
- Kutjela inkhos kutsi lakhe lisiphetfo kantsi lamavi bekufanelwe akhulunywe yinkhos.
- Kuphikisana nenhosi ngalesikhatsi abitwe emphakatsi.

#### **Luvutfondzaba**

- Emaphuzu lalindzelekile
- Kuhlangana kwetindvuna kutewutsetfwa licala laMahubhulu.
- Kubalwa kwemacula labekwa Mahubhulu.
- Kukhulunywa ngesigwebo lesifanele Mahubhulu.
- Kutivikela kwaMahubhulu.
- Kubhoboka kwelitfumba lebeliloku lifufusa.  
(Naleminye imibono lenembako yemukelekile.

#### **Siphetfo**

Bahlolwa basonga konkhe labebacoca ngako lapha ngenhla, ngekuphawula kutsi umbhali walomdlalo uphumelele kuveta sakhiwo salomdlalo.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B.:**

[25]

**UMBUTO 17: IMIBUTO LEMIFISHA****LAMI LISIPHETFO – JJ Thwala**

- 17.1 'Ngiyakwati lengikwentako Sigogodvolo, ngako-ke akekho lotangigudlula endleleni yami.' (2)
- 17.2 Ludvweshu Iwangaphandle. Mahubhulu naSigogodvolo ababoni ngeliso linye mayelana nendlela iNkholosi Somhlolo ibusa ngayo lelive. (2)
- 17.3 Indzawo igcogcekile, kunenkhulumiswano nebadlali babili kuphela. (2)
- 17.4 Ungumdlali loneludlame akakwesabi kubulala/Akesabi kucitsa ingati lengenalicala/Ukhombisa kuba nesibindzi sekubulala. (2)
- 17.5 Esicakacakeni ngobe ngemva kwaloludvweshu lolukuletheksthi Mahubhulu ubitelwa emphakatsi sekuhlangene tindvuna tonkhe kutewukhuluma indzaba yakhe. (2)
- 17.6 Emavi aletsa umoya wekungevani longadala kulwa ngobe Mahubhulu ufunu kucitseke ingati kantsi Sigogodvolo akahambisa nalombono. (2)
- 17.7 Angivumelani nalesincumo ngobe nakangacitsa lombuso kungacitseka ingati kufe bantfu labangenacala, kutfunjwe bafati netinkhomo tebantfu.  
(Naleminye imibono lenembako yemukelekile.) (2)
- 17.8 Ligalelo lekutsi kube nekuthula/Ligalelo lekutsi letive lakhelene nato tingahlaseli live lakhe.  
(Naleminye imibono lenembako yemukelekile.) (2)
- 17.9 Umbhali uvete Mahubhulu njengembangi kulomdlalo. Mahubhulu uphikisana netincumo teNkholosi Somhlolo ufunu nekucitsa umbuso wakhe. (2)
- 17.10 Ingikitsi ngumbango webukhosi, uyitfutfukise ngekutsi abe nenhloko lelukhuni angafuni kugucuka kuloku lakwentako kwekuphikisana nenkhosi. (2)
- 17.11 Mahubhulu utfunywa nguSomhlolo kuyewucela buhlobo lobuhle kaMabhoko kepha yena ufika wakhela Somhlolo butsa kuMabhoko. (2)
- 17.12 Agcugcuteleka ngekwakha budlelwane naletinye tive/Agcugcuteleka ngekubonisana nalabanye ngembikwekutsatsa tincumo/Kuba neliso lelikhaliphile lekushe ubone lokuyingoti/Kubonga labenta kahle umsebenti. (3)

**SAMBA SESIGABA C:** 25  
**SAMBA SAKO KONKHE:** 80

**SICHIBIYELO A****SIGABA A: IRUBHRIKI YEKUHLOLA INDZABAMBHALO YENKONDLO [10 EMAMAKI]**

Timphawu	Emalengiso	Licophelo lelisetulu	Lokwenetisako	Lokusilele	Lokungaphumeleli
<b>LOKUCUKETFWE</b>	<b>5–6</b>	<b>4</b>	<b>3</b>	<b>2</b>	<b>0–1</b>
Kuchazwa kwesihloko Kujula kwemibono, Kwesekela nekuvisiswa kwetheskthi  <b>6 EMAMAKI</b>	-Sihloko sichazwe ngalokujulile. -Kuneluchungechunge lwemaphuzu lababatekako ekwesekela iacashunwe enkondlweni. -Luhlobo lwembhalo kanye nenkondlo kuvisiswa ngemalengiso.	-Sihloko sichazwe ngelicophelo lelisetulu kukhomba kusivisia. -Emaphuzu ekwesekela ayevakala kodvwa akaketfulwa ngendlela lelindzelekile. -Luhlobo lwembhalo kanye nenkondlo kuvisiswa ngelicophelo lelisetulu.	-Sihloko sichazwe ngalokwenetisako. -Akhona lamanye emaphuzu lamahle lesesekela sihloko ngalokwenetisako. -Leminye imibono yesekelwe kodvwa esikhatsini lesinyenti bufakazi abukholweki. -Luhlobo lwembhalo kanye nenkondlo kuvisiswa ngalokwenetisako.	-Kuchazwa kwesihloko akwenetisi. -Kulukhuni kutfola emaphuzu lesekela sihloko. -Luhlobo lwembhalo kanye nenkondlo akukavisiswa kahle.	-Sihloko asikavisiswa nakancane. -Akukho kucaphuna enkondlweni. -Luhlobo lwembhalo kanye nenkondlo akukavisiswa nakancane.
<b>SAKHIWO NELULWIMI</b>	<b>4</b>	<b>3</b>	<b>2</b>	<b>1</b>	<b>0–1</b>
Sakhiwo, Kuhleleka nekwefula Kusetjentiswa kwelulwimi, umoya, nesitayela  <b>4 EMAMAKI</b>	-Sakhiwo sibumbene ngemalengiso. -Imibono yakhiwe yahleleka ngalokucacile ngemalengiso. -Lulwimi, umoya nesitayela kuvutsiwe futsi akunamaphutsa. -Kute emaphutsa eluhlelo, sipelingi netimphawu tekufundza.	-Kunesakhiwo lesicacile lesinemibono lehleleke ngelicophelo lelisetulu -Imibono letfuliwe iyalandzeleka. -Kunemaphutsa lambalwa elulwimi, umoya nesitayela.	-Bukhona bufakazi lobutsite besakhiwo. -Kubumbana nekuhleleka kwemibono kuyenetisa. -Lulwimi lunemaphutsa langasho lutfo; umoya nesitayela kuyenetisa.	-Sakhiwo sikhomba emaphutsa ekuhlela. -Imibono ayikahleleki ngalokubumbene. -Lulwimi lunemaphutsa lamanyenti. -Umoya nesitayela akukemukeleki.	-Sakhiwo lesingemukeleki nakancane. -Imibono ihangahlangene. -Lulwimi lolunemaphutsa lamanyenti nesitayela lesingemukeleki -Umoya nesitayela akwemukeleki nakancane.

**CAPHELA:** Nangabe umhlolwa angakabhali ngalokufunwa ngumbuto, abe abhale lokunhlanhatsako, akanganikwa emamaki ako  
kokubili, Lokucuketfwe, Sakhiwo neLulwimi

**SICHIBIYELO B****SIGABA B NE-C: IRUBHRIKI YEKUHLOLA INDZABAMBHALO – YENOVELI NEMDLALO [25 EMAMAKI]**

Timphawu	Emalengiso	Licophelo leisetulu	Lokwenetisako	Lokusilele	Lokungaphumelelisi
<b>LOKUCUKETFWE</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
Kuchazwa kwesihloko Kujula kwemibono, Kwesekelwa nekuvisiswa kwetheskthi  <b>15 EMAMAKI</b>	-Imphendvulo lenemininingwane lengemalengiso lababatekako: 14–15 Imphendvulo lenemininingwane lengemalengiso langababateki: 12–13 -Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe etheksthini -Luhlobo lwembhalo kanye netheksthi kuvisiswe ngemalengiso.	-Imphendvulo lenemininingwane lesecophelweni leisetulu -Sihloko sichazwe ngelicophelo leisetulu kukhomba kusivisia -Lamany emaphuzu ekwesekela ayevakala kodvwa akatefulwa ngendlela lelindzelekile -Luhlobo lwembhalo kanye netheksthi kuvisiswe ngelicophelo leisetulu.	-Sihloko sichazwe ngalokwenetisako kodvwa akusito tonkhe tinhlangotsi leticikelele ngalokuphelele -Akhona lamanye emaphuzu lamahle lesesekela sihloko ngalokwenetisako -Lamany emaphuzu esekelwe kodvwa esikhatsini lesinyenti bufakazi abukholweki -Kukhona lokusilele ekuvisiseni luhlobo lwembhalo kanye netheksthi.	-Sihloko sichazwe ngekunyanyalata ngaphandle kwemininingwane lesekelako -Ambalwa kakhulu emaphuzu lafanele kwesekela sihloko -Kuncane kakhulu kuvisiswa kweluhlobo lwembhalo netheksthi.	-Kuncane kakhulu kuvisiswa kwesihloko -Mncane kakhulu umzamo wekuphendvula umbuto -Imibono ayikholweki -Luhlobo lwembhalo kanye netheskthi akukavisiswa nakancane.
<b>SAKHIWO NELULWIMI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Sakhiwo, Kuhleleka nekwefula Kusetjentiswa kwelulwimi, umoya, nesitayela  <b>10 EMAMAKI</b>	-Sakhiwo lesibumbene -Singeniso nesipheto lesingemalengiso. -Imibono yakhwi yahleleka ngemalengiso. -Lulwimi, umoya nesitayela kuvutsiwe futsi akunamaphutsa.	-Sakhiwo lesicacile sinemibono lehleleke ngelicophelo leisetulu. -Singeniso nesipheto kanye naletinye tindzima kuhleleke ngalokubumbene. -Imibono ihleleke ngelicophelo leisetulu. -Kunemaphutsa lambalwa elulwimi, umoya nesitayela.	-Bukhona bufakazi lobutsite besakhiwo. -Kuhleleka nekubumbana kwemibono kuyenetisa kodvwa kunemaphutsa -Lulwimi lunemaphutsa lambalwa; umoya nesitayela kuyenetisa. Kuhleleka kwetindzima kuyenetisa.	-Sakhiwo sikhomba emaphutsa ekuhlela. -Imibono ayikahleleki ngalokubumbene. -Lulwimi lunemaphutsa lamanyenti. -Umoya nesitayela akwemukeleki. Kuhleleka kwetindzima kunemaphutsa.	-Kungahleleki kahle kwesakhiwo kuhinyabeta kubumbana kwemibono. -Emaphutsa elulwimi nesitayela lesingakemukeleki kwenta lombhalo ungabi yimphumelelo. -Umoya nesitayela akwemukeleki. -Tindzima tihlangahlangene.
<b>KWEHLUKA KWEMAMAKI</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

- Kufanele kungabi nemehluko wemazinga lamabili emkhatsini welimaki leSakhiwo neLulwimi nelimaki laLokucuketfwe.
- Imphendvulo lengaphendvuli umbuto ayinganikwa emamaki aLokucuketfwe neweLulwimi neSakhiwo.